

2015-imi Inatsisartut ukiakkut ataatsimiinnissaannut Nuussuarmi Upernaviup nunaqarfisa ilaanni nutaamik illu sullivimmik nakorsiartarfittalerlugu sananermut atatillugu pissutsinik aningasatigullu tunngasunik misissuinissamut Naalakkersuisut peqquneqarnissaannik Inatsisartut aalajangiiffigisassaattut siunnersuut

(Saqq. Hans Enoksen, Partii Naleraq)

pillugu

Sanaartornermut ataatsimiititaliap

ISUMALIUTISSISSIONAA.

Siunnersuutip aappassaaneerneqarneranut tunniunneqartoq.

Suliarineqarnerani Ataatsimiititaliaq ukuninnga inuttaqarpoq:

Inatsisartunut ilaasortaq Anders Olsen, Siumut, siulittaasoq
 Inatsisartunut ilaasortaq Tillie Martinussen, Demokraatit, siulittaasup tullia
 Inatsisartunut ilaasortaq Jens-Erik Kirkegaard, Siumut
 Inatsisartunut ilaasortaq Kalistat Lund, Inuit Ataqatigiit
 Inatsisartunut ilaasortaq Ane Hansen, Inuit Ataqatigiit

UPA 2015-imi ull. 24. marts 2015 siullermeereernerani siunnersuut Ataatsimiititaliap misissorpaa.

Siunnersuutip imaa aamma siunertaa

Siunnersuutikkut siunertarineqarpoq Nuussuarmi Upernaviup nunaqarfisa ilaanni nutaamik illu sullivimmik nakorsiartarfittalerlugu sananermut atatillugu pissutsinik aningasatigullu tunngasunik misissuinissamut Naalakkersuisut Inatsisartunit peqquneqassasut.

Siunnersuutip Inatsisartunit siullermeerneqarnera

Nuussuarmi illu sullivik nuna qeriuuannartup peerukkiartorneranik sunnerneqarsimaqisoq, kiisalu nakorsiartarfiup peqqinnissaqarfimmit akisussaaffigineqartup immikkut eqorneqarsimanera nalinginnaasumik isumaqatigineqarpoq.

Siunnersuutip ataatsimiititaliamit suliarineqarnera

Ataatsimiititaliap aallaqqammut maluginiarpaan siunnersuut UKA 2014-meersoq saqqummiuteqqinnejartoq.

Ajornartorsiutit saqqumiunneqartut Ataatsimiititaliap isummersorfigai, nunaqarfimmilu nakorsiartarfimmi pissutsit soorunami pitsasuuusariaqarnerat isumaqatigineqarluni. Taamaattumik 2014-imili ukiakkulli nakorsiartarfippiaq pillugu ajornartorsiut Naalakkersuisunit iliuuseqarfingineqarsimammat nuannaarutissaavoq.

Illu sulliviup atortuutai kommunip kiffartuussineranut atasuupput, taamaalillunilu qaqugukkut qanorlu illu sullivik nutarterneqassanersoq kommunip tigussaasumik naliliiffigisassaraa.

Siunnersuutip aningaasaqarnikkut sunniutissai

Inatsisartut suleriaasianni § 33, imm. 1-imi allassimavoq, siunnersuut tunngavilersugaassasoq siunnersuutillu aningaasatigut allaffissornikkullu kingunerisassai allaaserineqarsimassasut.

Ataatsimiititaliap paasivaa, siunnersuutip piviusunngortinnerani aningaasaqarnikkut sunniutissanut atatillugu illup innuttaasunik sullissiviup nakorsiartarfillip sananissaanut pisariallit aningaasatigullu tunngassuteqartut misissornerinut taaneqartoq 500.000 kr.-t missaannik akeqarnissaa naatsorsuutigineqartoq.

Ataatsimiititaliap inassutaa

Tamanna tunuliaqutaralugu siunnersuut itigartitsissutigineqassasoq Ataatsimiititaliap isumaqatigiittup inassutiga.

Taamatut oqaaseqarluni isumaliutissiissummilu allassimasutut paasinnilluni Ataatsimiititaliap siunnersuut aappassaaniigassanngortippaa.

Anders Olsen, Siulittaasoq

Tillie Martinussen

Jens-Erik Kirkegaard

Kalistat Lund

Ane Hansen